

岭
南
遗
书

嶺南遺書

解義集

一和書

卷一

虞書命羲和章解

嶺南遺書

南海 曾釗 冕士撰

羲和一章實厯學之祖其言厯象日月星辰卽後世恆
星七政各有一天之說所本也其言測中星以定分至
卽後世歲差之說所本也其言賓饒則後世里差之說
所本也其言敬致卽定氣之說所本也其言日中永短
卽準北極高卑以分晝夜漏刻多寡之說所本也顧治
經者或於厯學未詳而術士又不通經遂以諸術爲西
士創獲耳近世戴東原氏最精此學其著書補傳猶以
五星爲唐虞所未及測餘子又何論焉爰不揣固陋輒
爲說而詳證之至於六職之分四宅之地因夷之解古

今紛如者亦以己意刺取古義爲之注并爲之疏非敢

謂有當經義聊抒所見云爾

乃命義和注馬融曰義氏掌天官和氏掌地官鄭康成曰

義和重黎之後義氏和氏之子賢者剗謂乃命重難其命

也天地二官爲四時揔攝故鄭重命之寵異於四時之職

也疏馬融至地官○見釋文馬意以六卿分職堯時已然

卿居其官以主之重歷數也周禮大賈公彥申之云服君

之意大史雖下大夫使卿來居之治大史之職堯典云乃

命義和欽若昊天厯象日月星辰是卿掌厯數此則堯

時有六卿服意同馬矣楚語云少昊氏命南正重司天以

屬神命火正黎司地以屬民使復舊常無相侵瀆是謂絕
地天通其後三苗復九黎之德堯復育重黎之後不忘舊
者使復典之彼正說此經命義和之事揚子法言云義近
重和近黎故馬云義主天和主地也或謂下經云厯象日
月星辰敬授民時與地事無涉是又不然按周禮地官司
徒職云以土圭測日景是測日亦地官所與知又云以土

宜之法辨十二土之名物鄭注十二土分野十二邦上繫
十二次若然天有十二次日月之所躔地有十二土王公
之所國二者相繫故地官亦與知日月之交會也或謂歷
象與地官無涉斯不攷矣○鄭康至賢者○見周禮疏序
按允征序云義和酒淫廢時亂日允往征之則義和當為
官名子孫世守其業以官為氏歷代既遠子姓必繁未聞
皆命獨命六子故知其賢也○釗謂至命也○說文云乃
曳詞之難也公羊宣八年傳云乃為重難之詞也孔疏云
子重難不得以正月葬其君是乃為重難之詞也孔疏云
上論堯聖性此說堯之任賢故云乃命是孔以乃為繼事
之詞今不從以己意刺取古義注之稱釗謂所以別前馬
鄭之說也○天地至職也○下經仲叔皆云分命申命此
經命義和獨否故知為寵異之周禮象天立官以冢宰為
五官之摠攝堯分陰陽四時以天地摠攝四時之職故不
同欽若昊天注欽敬若順也言順天以求合非為合以驗
也

天也說文曰昊天元氣界界疏

欽敬若順也○史記堯本紀云敬順昊天史遷受古

文說於孔安國史記錄書多以訓詁易之是敬順即欽若
之故訓矣○言順至天也○此何承天集上歷法表文後
世歷法愈密而愈晦如十二重天及月輪大於地之類每
推究於不可知之處不知治歷所以明時無取乎人所不

能知也况天垂象人所共見何難知之有乎順天以求合
一言與此經義最合○說文至昇昇○按五經異義云今
尚書說春日昊天古尚書說元氣廣大則稱昊天謹按尚
書堯命羲和欽若昊天揔敕四時故昊天不獨春也是許
君不從今文說矣說文云春為昊天又云元氣昊昊蓋今
文說本爾雅古文說合書義故說文兩存之今注尚書用
其後

厯象日月星辰注厯數象法也星五緯星辰二十八

宿也列宿為經星日月五星之行皆用其度分以紀之然

列宿亦右行故與七政相磨而差生焉治厯法之以求差

積此順天之實也疏

厯數象法也○此史記義也厯數爾雅釋詁文易繫辭云天垂象見吉凶

聖人象之是象為法則之意○星五緯星○此鄭注大宗
伯義也按孔傳以星為中星戴東原氏書補傳亦云堯典
星謂中星初不及五緯洪範五紀所謂星辰同乎堯典孔
穎達云五星所行下民不以為候其說得之五緯至後代
推測漸詳唐虞時恐未及此即推之不失亦非正年歲攸
關何以與日月並稱七政乎今不從者詩女曰雞鳴云明
星有爛東門之楊云明星煌煌是下民以明星為候也又
周語云武王伐紂歲在鶉首星在天龍劉歆三統術謂星

辰星冬至伏于天龍之首若然古人以五星紀侯明矣戴
何以云孔說得之乎漢書律厯志云厯數三統天以甲子
地以甲辰人以甲申孟仲季迭用事爲統首三微之統旣
著而五行自青始其序亦如之五行與三統相錯傳曰天
有三統地有五行然則三統五星可知也太極運三辰五
星于上而元氣轉三統五行于下其於人皇極統三德五
事故三辰之合于三統日合于天統月合于地統斗合于
人統五星之合于五行水合于辰星火合于熒惑金合于
太白木合于歲星土合于填星三辰五星而相經緯也又
云斗綱之端連貫營室織女之紀指牽牛之初以紀日月
故曰星紀五星起其初日月起其中蔡邕天文志亦云渾
天名察發斂以行日月以步五緯然則五緯與日月並爲
步厯攸關其法已古故鄭注舜典以日月五星解七政也
戴乃謂五星不得與日月並稱七政斯不察之論矣○辰
二至實也○左氏昭七年傳云日月所會謂之辰周禮春
官馮相氏二十有八星疏云若指星體而言謂之星日月
會于其星卽名宿亦名辰故云辰二十八宿也孔疏以列
宿爲不動此云列宿亦右行者按明史天文志云最上爲
宗動天無星辰每日自東而西左旋一周次日列宿天次
日填星天次日歲星天次日熒惑天次日太陽天次日金
星天次日水星天最下曰太陰天自恆星天以下八重皆
隨宗動天左旋然各天皆有右旋之度自西而東梅氏勿

庵算書云居七政之上最近大園最遠於地者爲恆星最
近於地者爲月以視差言之與人目遠者視差微近則視
差大故恆星之視差最微以次漸增至月而差極大也以
行度言之近大園者爲宗動天所掣故左旋之勢恆星最
速以次漸遲至月而爲最遲右移之度恆星最遲以次漸
速至月而反最速若然列宿亦東移矣後世觀象求差之
法僅求于日躔以爲太陽周天微有不足不知非太陽之
周天不足實則列宿東移爲歲差之根但唐以前術家未
之知孔氏沿其誤耳陶唐治厯測日測月測星又測辰雖
無歲差之名而已具歲差之法此其術所以爲愈簡而愈
清也敬授民時注民時民事之時春秋傳曰時以作事授民
時者依厯授民以事也伏生唐傳曰主春者張昏中可以
種穀主夏者火昏中可以種黍菽主秋者虛昏中可以種
麥主冬者昴昏中可以收斂蓋藏田獵斷伐當告乎天子
而天子賦之民疏年民時至之時○按周禮春官大史正歲
之事彼注正取此經敬授民時解太史中事故還取以注
此經中時也○春秋至事也○左氏文六年傳云閏以正

時時以作事事以厚生民生之本於是乎在彼時亦謂民
事之時故引之而申云授民以事○伏生至賦之民○此
大傳文也禮記月令正義引攷靈曜亦有此文但小異耳分命義仲注鄭康成曰仲叔

亦義和之子掌四時者字曰仲叔則掌天地者其曰伯乎

釗謂分別也既命義和主天地又別命義仲為春官秩宗

也疏

鄭康至伯乎○見周禮疏序鄭意上經義和是義和
之子字曰伯故以此經仲叔為亦義和之子也知仲

叔為字者儀禮士冠禮三醺辭曰伯仲叔季唯其所當是
仲叔皆字也仲叔既掌四時無容伯獨不見上經義和掌

天地則為伯可知但經不言伯鄭知義然者伯為適長繼
世掌天地之官故但稱義和而為伯之義自見也○釗謂

至宗也○分別說文八部文知義仲為秩宗者周禮疏序
引鄭注分命仲叔云官名春為秩宗夏為司馬秋為士冬

為共工通稷與司徒是六官之名見也是鄭以義和六子
為此六官矣但彼總引茲分采之又約其詞故不稱鄭康

成曰也案下經棄后稷契司徒伯夷秩宗皋陶士禹司空
鄭注云初堯冬官為共工舜舉禹改命司空以官名寵異

之是作司空即作共工舜時冬官名司空堯時名共工也
若然下經共工方鳩僝功是堯時共工為冬官今和叔又

爲冬官者鄭注彼云共工水官名其人名氏未聞先祖居此官故以官氏堯末年義和之子皆死庶績多闕而官廢當此之時驩兜共工更相薦舉然則彼共工在堯末與堯元年命義和書固不相妨若稷司徒秩宗士之命更在舜時尤與宅嵎夷曰陽谷注宅居也嵎夷東夷也陽谷在堯無涉矣

朝鮮陽日出也日直其地而出故名陽谷疏

宅居也○此史記義也熹

平石經作度惠戴諸儒多從之江徵君尙書集注云宅度字同引禹貢三危既宅夏本紀作度降丘宅土風俗通亦作度爲證似爲有據但下經寅賓卽是度景此何得云度耶宅古作庀與度形近遂書作度其實義當爲宅居也○嵎夷至陽谷○後漢書東夷傳贊云宅是嵎夷日乃陽谷巢山潛海厥區九族茲用其義也案其傳云昔堯命義仲宅嵎夷日陽谷蓋日之所出也下又云燕人衛滿避地朝鮮因王其國百有餘歲武帝滅之於是東夷始通上京據此則朝鮮爲嵎夷地矣禹貢錐指謂青州跨有東海朝鮮亦其域內地其說甚確說文云嵎夷在冀州江氏以爲冀當爲青字蓋傳寫之譌義或然也知陽谷在朝鮮者說文云日初出湯谷登榑桑湯卽陽今本史記湯淮南子地形訓云陽谷扶桑在東方是陽谷與扶桑近矣十洲記扶桑在碧海中前漢地理志樂浪海中有倭人應劭注云樂浪

古朝鮮國若然陽谷在朝鮮審矣

寅賓出日注寅敬賓道也出日初出之

日也日初出度其景識之若道之行然故曰賓義仲測日

出和仲測日入互文相備疏

寅敬至日賓○此史記義也測景之法於平地立八尺之

臬日出之時景在臬西則畫識其出景之端日入之時景在臬東則畫記其入景之端周禮考工記匠人所謂識日出之景與日入之景是也此義仲度景識其出以至於入與迎而導之使行相似大宗伯注出接賓日賓謂出接賓導之入賓與賓古通用故義仲度景出謂之賓也經不云日入者東方見日早校西方幾差一時則其入之早亦差一時可知矣因其見日早可以測里差故以出日平秩東

作注平當讀為辨辨別也秩當作艷次敘也周禮曰辨其

敘事鄭康成曰作生也

釗謂東方蒼龍房位其規仁好生

不賊故曰東作疏

平當至別也○鄭注周禮馮相氏引作辨惠徵君九經古義云說文云采辨別

也讀若辨古文作平與平相似于部云古文平作采孔氏襲古文誤以平為平訓為平和失之今從惠說者惠與鄭

引合也○秩當至敘事○說文云秩積也○
虞書曰平艸東作是古尚書本作艸也○
云艸許君以會意說之曰爵之次弟也○
故其字從豐弟會意秩許君以形聲說之曰積也○
聲引詩積之秩秩是則用為次序之義二字皆屬假借近
人云艸其本字秩其假借字漫改秩為艸好古而不通其
源也○按段謂艸假借字非也○說文序云假借者本無其字
依聲託類令長是也○蓋令从人从艸本訓號令長遠義不
本訓久遠而用為令丞官長字與號令長遠義不相蒙故
為假借推廣之則祖為始廟而用作祖道渾為渾流而用
作儀器為母猴而用作猷為侯而用作公侯皆
其例若夫艸本義為爵之次弟凡次序字皆可用艸此亦
如出為草出而凡出入皆用出生為草生而凡生死字皆
用生老為人老而老特老馬亦用老考為壽考而父考亦
用考初為裁衣始而通訓始宏為室宇大而通訓大於字
義為引申六書之例屬轉注段乃謂之假借豈確論乎近
人所云艸本字秩假借字其實非誤茲從之故云秩當作
艸次序也○史記作程者案詩秩秩大猷說文作載載从
聲戠从呈聲是程秩皆艸之聲近假借周禮曰辨其序事
春官馮相氏文彼注引此經云謂若仲春辨秩東作仲夏
辨秩南偽仲秋辨秩西成仲冬辨在朔易是鄭○鄭康至
秩解彼辨序以作偽成易解彼事也故還引之○鄭康至

東作○鄭注見孔正義劉謂以下引尚書緯以增成鄭義也蒼龍故書作春龍龕御案東方蒼龍七宿角亢氏房心尾箕此云春龍房位春疑蒼之譌故肥正之春主木木之性仁仁之德好生青帝執規以司春故云其規仁好生不賊日中星鳥以殷仲春注鄭康成曰日中者日見之漏與

不見者齊也星鳥鶉火之方殷中也疏鄭康至齊也○見

法漏刻之箭晝夜共百刻蔡邕以爲星見爲夜日入後三刻日出前三刻皆屬晝晝有五十六刻夜有四十四刻又鄭作士昏禮目錄云日入三商爲昏尙書緯謂刻爲商據此則晝漏不止五十刻矣乾象厯云春秋晝五十五刻半夜四十四刻半蓋蔡云五十六鄭云三商皆舉全數言之其實日出之前日入之後距昏明各有二刻半減夜五刻以裨晝所謂朦影也厯法相沿皆如此鄭云漏齊與諸厯不同者以經云出日下云內日是日見爲限又經云日中星鳥以殷仲春是日中宵中卽爲測二分之法二分以日夜分得名若晝五十五刻半夜四十四刻半何得名分乎鄭以漏齊言之此厯理之精也自唐以來厯算皆用恆氣惟冬至用定氣以今年冬至與明年冬至之算折半之爲夏至四分之爲二分如此則分常先後天二日西術測黃道與赤道交日當其交處乃置二分其法校密近世江

慎修氏發明之其說甚詳然愚以為黃道赤道皆後起之
 名太虛中本無黃赤道也未見儀器之人以此語之反滋
 疑惑究不如即天象以求天行以日出至日入若干時
 以日入至日出若干時算之時刻平分即命為二分夫
 皆知之安用陽律陰律紛紛之說乎此堯典言歷所以為
 最簡而精鄭注亦至明切惜乎治此學者徒爭西中之法
 而不知察也○星鳥至之方○見幽風正義尚書攷靈曜
 云春鳥星昏中彼注云鳥朱鳥鶉火也分野畧例云自柳
 九度至張十七度於辰在午為鶉火鄭以鶉火解星鳥最
 確蓋堯時日在胃末昴初故初昏七星中七星鶉火次也
 中星據正午言孔正義云仲春日在奎婁而入於西地初
 昏之時井鬼在午柳星張在巳軫翼在未是朱鳥七宿皆
 見孔不知歲差以月令解堯典誤也○殷中也○見釋文
 爾雅釋言云殷齊中也此鄭注所本春秋仲月皆云殷猶
 今法言二分黃
 道與赤道交
 紀耕者少舍高誘注云皆耕在野少有在都邑者也
 尚書曰厥民析散布在野彼散布正解析字故用之
 鳥獸

莩尾注莩尾當讀為字微字任娠也春時鳥獸懷任未著

疏莩尾至字微○此史記義也說文序云字者莩乳而多
 論語微生高漢書古今人表作尾生是古字莩微尾通

用故讀從字微○字任至未著○虞氏易屯六二注云字任娠也國語魯語云鳥獸孕韋昭注謂春時又云鳥獸成章注謂立夏鳥獸已成周語云搜于農隙韋注春田曰搜搜搜擇也禽獸懷任未著搜擇而取之云夏時鳥獸成則春時字微為懷任而未著搜擇而取之云夏時鳥獸成則著明矣未著即是微也

申命義叔注江良庭云申重也齊職官儀曰堯命義叔為夏官司馬也

名朕虞疏江良至馬也○申重爾雅釋詁文齊職官儀引見藝文類聚齊職官儀五十卷齊長水校尉王

珪之等撰彼知義叔為司馬者周禮疏序云鄭注夏為司馬又云無夏官之名以餘官約之夏傳云司馬在前又以後代況之則義叔為夏官是司馬也○釗謂至朕虞○案舜典云帝曰疇若予上下草木鳥獸兪曰益哉帝曰兪咨益女作朕虞孟子滕文公上云舜使益掌火火於時為夏故周禮夏官有司燿則是舜時益為夏官此一證也名其官為朕虞者商度山林之利害即周禮夏官職方山師川師原師諸職與地官之山虞澤虞不同知者孟子云益烈山澤而焚之是必知山澤之利害而後能焚之若山虞澤虞惟為之厲禁不掌辨其利害也此益為夏官之二證也舜命益云若予上下草木鳥獸若訓順周禮夏官有服不氏掌畜二職皆掌教擾鳥獸擾亦馴順也此益為夏官之

三證也然則唐虞時夏官名朕虞不名司馬伏鄭皆云司馬蓋以周官況之耳其實周以武得天下故兵刑分官兵以馬為重因名其官為司馬唐虞以揖讓治天下故兵合於刑秋官掌之而夏官命名取乎虞度山澤利害擾馴鳥獸不使逼人而已與周不同故釗謂唐虞時夏官蓋名宅朕虞也云蓋者以一家之說不敢質言故稱蓋以傳疑宅

南交注南稱交今尚書說謂之大交蓋即交趾地也鄭康

成曰夏不言曰明都三字摩滅也疏南稱至大交○史記律書云午者陰陽交

故曰午今俗亦云五月天地交五月於辰為午是午有交義也南位午故云南稱交書傳云中祀大交霍山書傳為今文故云今尚書說○蓋即交趾地也○司馬貞史記索隱云孔傳云夏與春交未是然則冬與秋交何故下無其文且東嶠夷西昧谷北幽都三方皆言地而夏獨不言地乃云與春交斯不例之甚也然南方地有名交趾者或古文舉一字名地南交則是交趾不疑也其說甚確故從之但其字作趾似尙惑於郭景純脚脛曲戾相交之說案書傳元祀代注元始也始祭代氣於泰山也東稱代中祀大交霍山注中仲也古字通春為元夏為仲仲祭大交氣於注宏山恆山也互言之者明祭山北稱幽都據此則陽谷